

**Formula Agihan Kerusi Wajar Dikaji Semula - Bernard Dompok  
Bernama  
19 Mac, 2012**

KOTA KINABALU, 19 Mac (Bernama) -- Presiden Pertubuhan Pasokmomogun Kadazandusun Murut Bersatu (UPKO) Tan Sri Bernard Dompok berkata formula agihan kerusi antara parti komponen Barisan Nasional (BN) wajar dikaji semula pada pilihan raya umum akan datang.

Dompok, yang juga Menteri Perusahaan Perladangan Dan Komoditi, berkata langkah itu merupakan usaha baik bagi memastikan kemenangan BN seperti yang pernah dinyatakan bekas Perdana Menteri keempat Tun Mahathir Mohamed ketika memegang tampuk pemerintahan.

"Itu satu pandangan baik (kenyataan Ketua Umno Penampang Datuk John Ambrose) sebab 'ia merupakan idea baru' dalam pembahagian kerusi. Saya masih ingat Tun Mahathir apabila menjawat jawatan Perdana Menteri dan datang menghadiri Kongres UPKO, menyatakan negeri Sabah tiada parti perlu menguasai lebih 50 peratus kerusi.

"Itu salah satu aspek (untuk kemenangan BN)," katanya kepada pemberita ketika diminta mengulas kenyataan Ambrose bahawa BN perlu menghapuskan amalan memperuntukkan semula kerusi kepada parti komponen yang bertanding pada pilihan raya umum sebelum ini.

Terdahulu, Dompok merasmikan majlis penutupan program Hello Komoditi anjuran kementerianya dengan kerjasama Pejabat Daerah Putatan di Dewan Kompleks Rakan Muda Putatan isnin.

BERNAMA

Hakcipta © 2012 BERNAMA

Source:<http://www.bernama.com/bernama/v6/bm/newsindex.php?id=653351>